

易

冒



832147

易冒卷之四

通官帝其取輸以昌其

新安書

日程良

玉著

錢唐旅堂胡介定

三章

長生章第三十一 緣二 識情 行生 故不 又本
天地萬物始於無明絕後而胎也

其無明即釋氏所謂無明緣行行緣識識緣名色十

二因緣之類也絕則無物猶無明也胎則有形猶

緣名色也

三位而生七位而旺十位而死十二位而終始焉

易冒

卷四

長生

一

法不以胎為始而以長生為始者以其未現形像

也長生法金生巳木生亥火生寅水生申以掌

上順數可曉

其所取用者莫重於生絕故金遇巳而不尅土遇巳

而不生

十二位取用最重生絕二端即五行生尅不及生

絕故金遇巳而得生土遇巳而言絕也

臨官帝旺用神乃昌是故臨官則食祿天元祿之所

授也帝旺則位中將星之所立也長生日日長帝旺

曰正旺二者孰能勝之

天元祿法四位臨官卽爲祿位如甲木生於亥順行四位臨官在寅是甲祿在寅矣乙木生於午逆行四位臨官在卯是乙祿在卯矣丙戊生寅順行臨巳是丙戊祿巳矣餘倣此將星之法以中神爲主子午卯酉正中位也申子辰子爲將星餘倣此若沐浴冠帶衰病胎養則不勝五行之生尅病漸及於不神養將需於有力蓋見生吉而見尅凶是故水敗於酉爲假敗火胎於子爲僞胎木胎在酉論尅不

易胃

卷四 長生

二

論胎金衰在戌論生不論衰也

此言十二位唯長生臨官帝旺爲重餘位稍輕還以五行生尅爲斷

死墓之法臨死無救則隣死矣臨死又尅則過死矣絕亦如之墓而有刑如擊如發墓而無衝爲匿爲藏爻神投死日月變爻之上或日月變爻內有一生之則死而未死絕而未絕也旣死又尅則爲已死無生無尅準尅之半凡用入墓喜刑喜衝

蓋用爻生絕於日辰之上者特重生絕於月建之上

者有分。夫月令也。日天也。輕重緩急不侔矣。

生絕月建須兼論。當生所生。生我。尅我。尅之法。日重而月輕也。

伏爻生絕於飛。動爻生絕於變。其法猶類日也。然有真偽之辯焉。本卦動爻難言生絕。故已動傷金而生土。亥發火熄而木榮。有同體之觀焉。

動爻化出之變爻。伏神本位之飛爻。如空如破。則非生非絕矣。故曰真偽。卦爻一本專論。生尅不當。參以長生十二法也。故曰同體。

易冒

卷四 長生

三

卜筮之道。歸重支神。不分陰陽。同其生死。此其準也。若五行之家。析干支。分陰陽。則陽生陰死。陰死陽生。而長生亦異。蓋五行陰陽。皆投胎於母。而後養焉。

丙爲日。丁爲月。皆投胎於子。自天開於子。而日月昭焉。日月卽人物之仰依也。故先以火胎於子。爲法。養丑而生寅也。日出而作。日入而息。丙旣生寅。人亦生寅也。陰陽不可同立。男女不可無別。丁寄生於酉。故下言祖母族撫之。蓋陽于有十二位之

用陰于。惟重死生。必欲分求。但以陽順陰逆爲法。

既分男女男順而長生女逆而寄生以至臨官食祿之地乃見其功

蓋陰陽于支至臨官而成功丙臨官於巳巳卽有丙也丁臨官在午午卽有丁也

男既長大應合婚姻惟寅丙遠贅子辛之妻而養戊巳者戊之長生於寅巳之寄生於酉皆曰祖母撫之獨此附其姑然五行或同位或相間窮理反經而道盡矣

丙既生寅而長大理合擇配丙合於辛宜配辛女

易冒

卷四 長生

四

當卯無辛遠逆寄生於子之辛女贅爲夫婦天之造物非定有常火生土而土胎子也養於丑故戊土生於寅巳土寄生於父娣丁長酉之姑而各自成也戊既長大宜合癸配卯中癸水娶之土生金而金胎於卯也養於辰庚金長生於巳辛金寄生於子則祖母之族而撫焉庚既長大合午乙爲妻金生水而水胎於午也養於未壬水長生於申癸水寄生於卯壬既長大合酉丁爲妻水生木而木胎於酉也養於戌甲木長生於亥乙木寄生於午

甲既長大合子已爲妻木生火而火胎於子也亥
天地之終子天地之始巳辛之女皆是子而嫁終
蓋男女皆自天生五行或同位或相間窮其理而
返諸常可曲盡陰陽之道法日子中癸巳更加辛
丑中巳癸復陰金寅中甲木兼丙戊卯中乙木癸
水臨辰中戊土藏乙癸巳中丙火戊加庚午中丁
火連乙巳未中巳土亦逢丁申內庚金坤壬水酉
內辛金丁巳尋戌中戊土辛丁位亥中壬水甲木
生地支內有天千伏天地人元仔細分

易冒

卷四 長生

五

唯土之長生不一者以地王起甲申申中有坤故土
生於申若分陰陽則戌生於寅巳生於酉而金木水
火之內皆不可以無土始知土德之用接續五行分
寄而旺無往而不生者哉

土神之生不一其所土神之位相雜而處所以五
行不可無土也

無鬼章第三十二

或曰陽爲官陰爲鬼復曰旺爲官衰爲鬼又曰官鬼
爲繫爻爲制爻大凡喜之爲官惡之爲鬼用之陽則

官用之陰則鬼名異而用同也。卦不應無亦不宜動。官鬼不必以旺衰陰陽分。但用則爲官。忌則爲鬼。然官亦可凶。鬼亦可吉。動而逢衝。動而有制。動而無助。猶不動也。有而空。衝而散。化而衝。猶不有也。卦中雖無而伏於世爻。動爻之下。變而臨於日建。月建之上。則無猶不無也。

此辯其虛實強弱之分也。空而動者。謂之半空。動而破者。謂之全凶。有云吉則不吉。凶則更凶。則以大白虎所臨也。

易冒

卷四 無鬼

六

破本無爲。因大白虎煞臨之。其凶愈甚。

其象在天爲鬼神。爲雷霆。在地爲廟宇社稷廳衙。口骨妖邪虫蟻。在身爲主張權柄魂魄識見疾病。在家爲香火主宰宗祖。魔倒。在國爲仇敵亂臣。在任爲爵級。在事爲訟非。爲祈禱。爲夫婿。爲阻滯束縛。

六親惟鬼爻爲象最多。所謂體物不遺也。故身命無鬼。謀望失主。處世無恒。功名無鬼。進取無成。陞遷未遂。家宅無鬼。主無君德。耗散多端。謀望無鬼。事無主斷。關說徒勞也。

此言用鬼，鬼不宜無也。

疾病無鬼，須看用爻。用傷則祈禱無靈，用強則不禳而愈。婚姻無鬼，須分男女。女占有少寡之嫌，男占則我非其匹。求財無鬼，須分主客。同本落他人空拳而我無遭遇也。自逃則易以潛身捕逃，則難於覓迹。失物則勿以誣人禱祀，而神不降，請托而言不從事以類推也。

此言無鬼，各有吉凶之辯也。

故官鬼者，事之主也。禍之端也。出入行藏，貫乎靜而

易冒

卷四 無鬼

七

勿動興詞，構難畏其動而即成。蓋凡防害及身，喜其無鬼，求事益已，利在有官。學者辯之。

絕生章第三十三

用爻屬木，申日占而絕水爻動而生，因各絕生，猶窮地而遇援也。

蓋絕生之法，有五。用神受日月之尅，遇動爻之生，一

也。受動爻之尅，遇變爻之生，一也。受變爻之尅，遇動

爻之生，一也。伏用受日月之尅，遇飛爻動爻之生，一

也。伏用受飛爻動爻之尅，遇日月之生，一也。此五者

皆謂之絕處逢生也。

其不能生者有三。用神自受破散，不能生者一。飛爻動爻生我者受破散，不能生者二。變爻生我者受破絕，不能生者三。忌神亦以此參之。

身命世絕而逢生，雖困必亨。雖夭必壽。文科重爻武試。重官遇之者幾落孫山。終登龍虎。男婚用財，女姻用鬼。遇之者後成秦晉。始則參辰。

鬼爲我病，病退復進。用乃病身危而得安。訟而又訟。官鬼遇日月之生，憂而不憂。子孫逢動變之助，出行

易冒

卷四 絕生

八

世遇者安，行人應遇者還。占仕宦，因叅罰而增秩。占貨財，將虧折而居羸。捕逃而應逢，如魚脫網。修道而世值，如螫飛天。

名謂官爻遇之，利謂財爻遇之。

內卦遇之家宅衰，而將旺。外卦遇之人口減而復增。內爲邦畿，外爲政事。蓋國猶家占。

其爲吉也。猶旱遇雨，其爲凶也。如火復炎，然唯日月之絕爲真。絕日月之生爲真生，又不可不知也。

聞之和則合。擊則衝。合主事之成。衝主事之敗。吉則宜合。凶則宜衝。筮得六衝其名。卦衝無往而不散也。言多亂事多變。行多違謀多阻也。筮化六衝其名變。衝占事主無後也。約婚而不終。結義而不信。營求而不遂也。卦衝謂之前衝。變衝謂之後衝。倘前六合而後六衝。又其甚已。

卦衝有三。正卦衝之卦衝。合處逢衝也。

前合後衝。始繁華而終憔悴。前衝後合。初更張而卒

易冒

卷四

合衝

九

和調前合後合。夥伴契而訟獄纏。始終結而不解。前衝後衝。謀望難而官非散。親疎背而不從。

爻衝有五。日衝則動。空衝則實。動衝則散。化衝則失。自衝則敗也。爻合有四。靜合爲起。動合爲絆。化合爲援。自合爲好也。

化衝已動化亥也。自衝卦中子午兩動也。亦論強

弱。化合自合。反是而推。

獨夫六合。遇日辰衝。害於世應之上者。其名合。衝。猶

功之幾成而敗。財之既得而失。婚之幾從而違。謀之

幾就而變不可居也。不言衝合者。既敗不可成。既解不可交。既失不可得也。即得之亦他應也。

如午建丙子日占婚得兌之節卦。雖六冲。其日月

合世應變成六合。以為始悖而終就。及後二家皆得他偕。此占不成故不貴也。

且有爻之合處逢衝者。財鬼衝害忌婚。姻父官衝害忌功名。子妻衝害忌謀生。然而視世應衝害者則稍輕矣。故合處逢衝前賢專主世應也。

隨墓章第三十五

易冒

卷四 合衝

十

夫隨墓有五。一曰命墓。二曰世墓。三曰化爻墓。四曰卦身墓。五曰世身墓。此五者有輕重之分也。

本命臨鬼而墓於日為命墓。世爻臨鬼而墓於日為世墓。或命世及卦身世身臨鬼而化入墓爻為化爻墓。卦身世身臨鬼墓於日。世身臨鬼墓於日為身墓也。

命之隨鬼入墓。乃為大凶。謂鬼命并現也。若現於日月變伏之位而非矣。

命墓必命乘鬼同現。一爻始真。若臨日月變伏。皆

非也。

世之隨鬼入墓。自古者凶。代占者忌。視命墓少間。爾且世墓自古。代占皆忌。如已建癸未日占寅命妻病。得大畜之蒙。乃妻命墓。而世亦隨墓。後五月妻亡。夫亦繼亡。所謂代占者忌爾。

化爻隨鬼入墓。與命墓世墓無差等。而有真偽。火官戊墓。辰日衝而成偽。戊月實而作真。戊空自偽。戊破非真。

化爻墓須分真偽。

易冒

卷四 隨墓

十一

卦身之墓。現於卦者是。世身之墓。空於世者非。此二者惟占訟。詞獄。禁疾病。憂疑。戶役。動作。潛逃。投充。齋戒之事。忌之。然遇鬼旺則凶。官衰則滅。視世墓化墓。則輕爾。

卦身因卦而成。故有身則是。世身因世而起。故世空則非。蓋大小身墓有忌有无忌也。

且夫月破旬空之鬼。而臨本命世爻之墓。官非災病。見空破而垂斃。斃而又墓。故為凶占。若避患。憂害。防非。見空破而禍消。禍消而隨墓何凶也。

事已及身。空破隨墓最忌。事未及身而先事憂防。則空破隨墓非忌。夫身命逢之。一世應多災疾。婚姻遇此。中途定見刑傷。占分男女命墓也。

不論世鬼。不拘空破。女命墓戒娶。男命墓戒嫁。求官履仕途而不反。出行登平道而遭屯。行人病於他鄉。產婦厄於暗室。公役有桎梏之辱。興造有妨犯之凶。偷關踰險而蹈網羅。出族謀差而受羈繼。

隨墓統忌。若興造偷踰。空破稍可。

易冒

卷四 隨墓

十一

求財被溺於狹邪之地。占穴或犯夫古塚之屍。

二者只言世墓

蓋凡以官鬼為忌神者。遇之不祥。空破稍輕。以身命為先務者。遇之亦不祥。而空破反重。此皆以日辰化爻之墓為法。他不同論云。

助傷章第三十六

助鬼傷身。以世爻受鬼尅。而鬼長生於日。是為引禍。以自害。世亦稱身。實世而非身也。

夫世爻卦之宰也。占之主也。問者之身也。故曰傷身。

然官鬼遇空破者弗能傷世爻逢取相者弗能傷
雖曰長生臨於歲月動變之位者則非雖長生於日
而已日之與申日之革則非雖曰助鬼而午日之坎
酉日之離則非是以前賢舉申日之離寅日之咸亥
日之泰者爲法
五行大生謂之真生與鬼革鬼非大生坎鬼離鬼
非長生所以有間

占身命者認禍爲福比匪爲良因財喪身貪色凶命
妻妾不賢而歸夫咎奴僕肆逆而累主殃

易冒

卷四 助傷

十三

以財爲利以鬼爲害天下之害皆伏於利理固然
也

國占爲奸臣聚斂爲宦官專恣師占爲將病防刺及
自兵之叛占家者主人貪利忌害求益遭損鬼臨雀
起非臨武被劫臨虎見喪臨蛇而驚娶婦則主婦不
賢收僕則主僕懷叛若女占夫而官星爲用者遇之
反吉也占官驟陞占武卽發

大抵用官吉而用財凶世爻尤凶也

占訟有重責之憂占失有再偷之慮投軍脫役魚爲

餌鈎昧事修方步遭荆棘求財有矣求之害出行有
行險之虞離塵修戒障業未除公役參房杖笞難免
占監獄囹圄之災未滿占疾病枕蓆之患未離奉神
神怒安靈靈哭占怪怪真占夢夢實避禍禍必臨防
害害必至

局會章第三十七

總之以鬼爲忌者助傷固凶卽以官爲用者亦嫌其
尅世靜遲動速旺大衰小惟空破散則吉也

易冒

卷四

局會

十四

麗故謂之會也

生乃物之始藏乃物之終既成始終故謂之局如
卯木生亥墓未爲木局是也若亥卯未而會物必
有麗也

夫局會有成不成之分當明化不化之義然後得局
會之秘也中神主也失其主則不能會傷其中則不
能局是以火神局會以午爲要午不失傷卽寅戌失
一而亦局會也傷其始者局會之力小傷其終者局
會之力存終始不傷局會之力大矣

始失長生故力小終失墓藏故力猶存得三位皆
全其力更大午會爲火寅戌雖會而土木本質則
不隨火變也
局會有三一日動會二日變會三日伏會則必由日
月而懸之也動會者週流六虛而皆會也變會者交
重一爻而相會也伏會者發動飛爻而相挈也

凡局必得日月有一在局始成動會如寅建戌戌
日用官得乾之既濟是也變會如戌建甲寅日用
官得遯之乾是也伏會如卯建戌寅日用父得大
畜之離是也
變失始者其局假伏得生者其局真是故子變辰者
非午伏寅者是也日月懸之懸始吉而懸終凶也是
故申月懸子則是戌月懸午則非也

易旨

卷四 局會

十五

如戌建巳酉日用官得謙之泰以戌月午變寅爻
當成火局然寅值空乃失其始戌月懸午是墓非
生則此火局休囚不成會矣如申建甲辰日用財
得履之睽子伏申下財乃長生申爲月建謂之懸
始則水局旺相故成會爾餘做此

蓋局會之道雖紛而生尅之理若一故失中乃失主
失始乃失生失終乃失墓則輕重昭矣而其力更大

孟刑害章第三十八

擬議之三而後刑故曰三刑非實有三也夫刑司殺

故曰西曹由西而始也

三刑之法以金局之神而巡西方之位所謂巳酉丑

而乘申酉戌也金木水火五行之順也西北東南四

方之次也以金木水火之正而刑西北東南之邪則

亥卯未而乘亥子丑申子辰而乘寅卯辰寅午戌而

易冒

卷四 刑害

六

乘巳午未矣乘則刑之上下相對循環相加此三刑

之立法也孟黨孟刑仲黨仲刑季黨季刑以故有寅

巳申丑戌未卯子子卯辰午酉亥之名也於是乎有

金剛火強自刑其方水局刑木木局刑水之議苟曰

必三始刑則卯子子卯之無禮刑辰午酉亥之自刑

豈必三也是故三刑之名不可以三泥也

孟黨寅巳申亥仲黨卯午酉子季黨辰未戌丑

三刑之法墓亦賴之刑則墓開刑而兼衝其力更大

夫墓得刑衝猶鎖得鑰故曰墓開然不及衝故刑

而不衝者輕刑而兼衝者重酉建庚申日用財得
困之兌是謂真刑。夫刑之爲象於物若斃於心若憂於事若瀉猶退神
之例而不及旬空月破之凶也。身命遇之恐骨肉之
相殘婚姻遇之懼門第之相壓宦憂內喪病防帶疾
官尅世而問訟五尅世而問疏若世刑而大凶也。

身命謂世及用爻遇之男娶謂財女嫁謂官遇之
夫害者奪吾之好爲害也上下四方曰六故名六害
舉天地之內而言也相合曰好相衝曰奪相惡曰害
是故衝吾之合則猶奪吾之好吾故惡之而與相害
也故子合丑而未衝所以子未爲害爾六合則有六
衝六衝則有六害此六害之立法也。

古亦稱穿心六害

然有生害有尅害其爲象也心惡而面好外悅而內
仇此相生之害也我尅彼者我強而彼弱志相惡爾
彼尅我者彼剛而我柔力被制爾然亦不及六衝之
甚也然亦必兼合衝生尅而考之三刑六害當別用
爻非以卦象云爾

大抵六害重尅害尅害重用爻世爻及應尅世若
姤恒小畜益卦雖存六害之名當察其用而權之
諸星章第三十九
神宿之法災祥非一吉凶之驗別演乃殊有以天象
列星而入易者有以人事占星而入易者然要無不
出乎干支陰陽生尅衰旺之情或年或季或月或日
或時或局之例以辯其有用無用輕力重力焉其有
星之名而無所本者不敢列也

易冒

卷四 諸星

六

天象如角亢氐房二十八經星也如木火土金水
五緯星也如貪狼巨門九曜星也人事如天喜天
醫天廚天獄之類是也雖星煞雜陳各有所本否
則俗傳無驗也

如經星入易乾之上九降參又降鎮星唯歲時身命
之占用之九曜之立曰貪狼曰巨門曰祿存曰文昌
曰廉貞曰武曲曰破軍曰左輔曰右弼是也唯婚姻
才貌墳塋屋宅之占用之

法曰月月常加戊時時起破軍破軍前兩位世俗
少知聞兩位卽左輔右弼也斗柄卽破軍如寅建

午時占以戌加寅起至午時在戌以戌上爲破軍
亥是左輔子是右弼也

紫微垣以危室之分起子也天市垣以尾箕之分起
寅也太微垣以翼軫之分起巳也唯造化之占用之
此天象立星之畧也

三垣皆以正月起順行

天德之星正月起亥而順行蓋天之德澤從天門而
降亥爲天門因以名之天干天德寅建在丁卯建在
申蓋人事天功陰陽相助也

易旨

卷四 諸星

七

天德正月起亥順行干德法曰正丁二申宮三壬
四辛同五亥六甲上七癸八寅從九丙十居乙子
巳丑庚逢天德卽天道陰陽兩互撫祐八荒孟季
保生墓之人元四正用陽貴之協力故寅內人元
丙天與丁助之卯內人元癸天與陽貴坤中壬水
助之辰內人元癸天與壬助之巳內夷天與辛午
內乙天與陽貴乾中甲木助之未內乙天與甲也
餘六位倣此曆日所載坤乾艮巽卽申亥寅巳爾

其土德周徧故不列天德也此法用天干如寅建

丁亥子孫發動以丁爲天德也利用防非

月德自未而順行未爲廣寒宮太陰之府是以始之
天十月德寅午戌建而舉丙亥卯未建而舉甲巳酉
丑月德在庚申子辰月德在壬太陰之德亦其助也
蓋以午丁而丙助卯乙而甲扶焉

古法以子爲帝座午爲端門卯爲雷門酉爲佛境
亥爲天門巳爲地戶申爲神門寅爲鬼路辰爲天
羅戌爲地網丑爲黃泉殺未爲廣寒宮也四德俱
主福蔭能逃刑免難

易冒

卷四

諸星

二十

天乙貴人有陰陽之別陽貴始自天王立甲子而順
求之陰貴始自地王起甲申而逆求之貴人之用不
犯對於君王貴人之行不踐入於羅網甲合巳而在
子巳以子爲陽貴乙合庚而在丑庚以丑爲陽貴丙
合辛而在寅辛以寅爲陽貴丁合壬而在卯壬以卯
爲陽貴辰爲天羅踰而不入戊合癸而在巳癸以巳
爲陽貴午爲端門越而弗對巳合甲而在未甲以未
爲陽貴庚合乙而在申乙以申爲陽貴辛合丙而在
酉丙以酉爲陽貴戌爲地網弗履壬合丁而在亥丁

以亥爲陽貴，子爲帝座，弗犯。癸合戌而在丑戌以丑爲陽貴，陰貴亦然。

法曰：甲午戊庚牛，乙猴巳鼠頭，丙鷄丁猪走，壬兔癸蛇遊，六辛騎猛虎，陽貴用斯求。甲牛戊庚羊，乙鼠巳猴鄉，丙鷄丁猪位，壬蛇癸兔藏，六辛乘駿馬，陰貴用心詳。六壬數，巳至戌用陽，亥至辰用陰，未當當以子至巳用陽，午至亥用陰，易筮不分陰陽。福星貴人，卽食神星也。甲之五遯，丙爲食神，故寅爲福。乙之五遯，丁爲食神，丑亥爲福星也。

易冒

卷四

諸星

三

法曰：甲虎乙猪牛，丙同犬鼠遊，丁鷄戊猴走，巳羊庚馬頭，辛蛇癸逐兔，壬日佔龍樓。

天厨貴人，祿上生祿，是爲天厨。甲之五遯，祿於丙寅寅上之丙，復祿於巳，故甲以巳爲天厨。癸之五遯，祿於壬子子上之壬，復祿於亥，故癸以亥爲天厨也。

法曰：甲丁蛇佔號，天厨丙鼠壬鷄癸伴猪，乙戊辛壬皆向馬，巳猴庚虎福神，殊右二星，壬祿食。

天元祿者，臨官則食祿。甲木生亥，臨官於寅，乙木生午，臨官於卯，丙戌生於寅，臨官於巳，丁巳生於酉，臨

官在午陰陽順逆各以類推

天元祿法從臨官而得四位臨官即各祿位如甲木生亥順行四位臨官在寅故甲祿在寅乙木生午逆行四位臨官在卯故乙祿在卯之類
天地財遯甲以戊巳為五馬六財而戊巳坐辰巳之上故正月以辰為天財巳為地財順而終之乃天地財也

馬即財也法曰正七起龍蛇二八馬羊家三九循

申酉四十大豕牙子午鼠牛索丑未寅卯查遯甲

易冒

卷四 諸星

三

因戊巳間利自當沙

文章德業必臨官設政三歲後而吾道始昌因曰文昌甲祿在寅踰三位而已是也辛則不然踰三位而當子子為帝座弗敢犯之物不可盈藏於文庫是以辛以戌為文昌也

法曰甲蛇乙馬號文昌丁巳尋鷄辛犬方庚猪癸

兔壬從虎丙戌揚猴最吉祥蓋火墓在戌離為文

明故曰文庫金墓於丑金為兵革故曰武庫也

位中居尊謂之將星故亥卯未將星在卯而攀辰鞍

駕已馬馬前六害以警蹕也。害前華蓋備旌旛也將後七神甲士後勁也。而劫煞災煞天煞地煞年煞月煞亡人煞以名焉。是以華蓋爲首星，劫煞爲尾星，而將衛在中也。

將星法起中神子午卯酉正中位也。故亥卯未將星在卯，辰爲攀鞍，巳爲駕馬，馬前爲六害午也，害前爲華蓋未也，將後爲七煞，自申至寅七位是也。天馬卽乾馬也。正月午始循環行之，此星惟利陞遷之卜，驛馬亦從將星而推也。如寅午戌將星在午，則以未爲攀鞍，申爲駕馬矣。行人之要星也。

易昌

卷四 諸星

三

正月用乾四爻爲天馬，二月五爻申，循環用之。法曰：正七還騎馬，二八向猴申，三九須從犬，四十鼠相侵，五十一當寅上，六十二定歸辰，天馬文人用上，喪病者嗔蓋病者馬，向天遊，是上喪服也。驛馬法曰：寅午戌馬居申，亥卯未馬在巳，申子辰馬居寅，巳酉丑馬在亥。

且天喜之爲星也。孟春建寅，則喜在戌，仲春建卯，則喜在亥，季春建辰，則喜在子。蓋以成爲喜也。喜神之

五六月戌七八月亥兩月一位謂上施下仰九十月午者午施子仰也午自亥極施仰乃見衝斷生根爲喝散夏火生寅用申衝寅秋金生巳用亥衝巳法曰春巳夏居申秋猪冬到寅是也

天醫上帝之司救療之神也本在遯甲相丙而禦庚卽丁神也好生爲心故不踐於寂滅之地乃更位焉週歲而復命始歲而復化活曜上帝命司生之神也因隨帝而出於震焉爲胎育子息之占

易胃

卷四 諸星

三

以五虎遯正月甲遯覓丁神得丁卯丁丑故正月

以丁卯爲天醫餘丁丑二月乙遯得丁亥三月丙

遯得丁酉乃弗居而易丑故三月則以丁丑爲天

醫夫酉爲佛境乃寂滅日沉之地故弗居四月丁

遯得丁未五月戊遯得丁巳六月巳遯復得丁卯

餘丁丑七月庚遯復得丁亥八月辛遯復得丁酉

遯從丑九月壬遯復得丁未十月癸遯復得丁

巳十一月甲遯復得丁卯十二月乙遯復得丁亥

終焉還命上帝歲復如是也發微通書以天喜爲

天醫悞矣法曰天醫正卯二猪臨三月隨牛四未

尋五蛇六兔七居亥八丑九羊十巳存十一再來
尋卯上十二亥上作醫人活曜法正月從卯順行
雷火之煞大利功名蓋雷能動物卽長生也寅午戌
月起於寅申子辰月起於申是以立之震爲旌旗煞
故起卯逆征四圍是謂旌旗

艸木萌生雷霆動驚蓋震之德能普化萬物也其
法正寅二亥三申四巳循環三復是焉然網羅同
之上天之爲心惟以生道殺物是名網羅萬物也
獨捕叛用之旌旗春卯夏子秋酉冬午

易

卷四

諸星

三

天耳天目以子坎爲耳垂以午離爲目眦目視上故
始天門從亥申巳寅爲次耳聽下故始地戶從巳寅
亥申爲次耳目司視聽故動而音信當至耳目本吉
宿以用則將迎而成故逆行焉

以四季行四位春巳夏寅秋亥冬申天耳也春亥
夏申秋巳冬寅天目也

天罡煞寅卯辰巳之謂也因生求生謂生作而得生
息亦漁獵之吉神也天犬吉而順戌犬獵益宜之天
猪天鼠天牛凶而逆亥子丑牧養忌之

以寅午戌月爲火局。火生於寅，是謂生而起也。二
卯三辰四巳。巳酉丑爲金局。金生於巳，是得生而
已也。復寅而三重之，則週一歲矣。天犬正月從戌
順行，猪鼠牛正月從亥子丑逆行也。猪忌畜豕，鼠
忌養蠶，牛忌牧犢，嫌值鬼同發。

大騰蛇之別號曰勾陳，煞以其將相衛中王也。暗金
以每季藏金局，故巳酉丑爲暗金。破碎謂金庫在丑
以金局自悖逆而出之，四輪復數之，則失藏聚是名
破碎爲家國之多耗也。

易冒

卷四

諸星

三七

正月自辰起逆行，專務驚滯暗金。以巳酉丑自正
月四輪復數是也，亦名紅紗產婦之忌。破碎以丑
酉巳自丑月起四輪復數，乃破碎也。丑爲金庫，故
始之法曰：辰戌丑未月在丑，寅申巳亥月在酉，子
午卯酉月在蛇逆，破如何財順有。

月破曰耗，大耗而小耗隨之。季廢爲荒蕪，月廢爲月
空，空衰爲月煞。

正月起申順行爲大耗，起未順行爲小耗。荒蕪之
法：春巳酉丑，夏辰申子，秋卯未亥，冬寅午戌，月空

之法寅午戌月壬廢爲月空月煞之法壬水衰於
丑故丑爲月煞亥卯未月庚廢戌煞申子辰月丙
廢未煞巳酉丑月甲廢辰煞曆日可考
物滿而破破而後開天賊之義也隨賊而吠天狗也
其義欲除之執之收之春之天賊辰滿酉破寅開也
秋之天賊戌滿卯破申開也未坤之府丑能擊之故
地賊由丑而逆行焉巳爲雙女宮本熒惑之神也天
燭由此而順行焉天火卽火所胎也蓋火神順鑿因
城歲三復焉

易冒

卷四

諸星

天

法曰正龍二鷄三虎鄉四羊五鼠六蛇藏七犬八
兔九猴位十牛子馬丑猪忙是天賊也天狗隨之
衝擊也地賊謂穿窬之輩也法曰天燭正月起蛇
宮蕩蕩順行數至龍主火災也天火以寅午戌月
火局胎於子四域子午卯酉四正也五九月又起
子故一歲三復

天官符卽臨官之位也以年局臨官於中宮起寅巳
申亥進三位而復退起中宮順行九宮若與鬼動則
成詞訟之凶陽生日生炁陰生日死炁以陽主生而

陰主殺也。五子遷七位之庚午，上庚尅甲爲官符，是以從午起官符，隨尅炁順行爲死炁官符也。春寅歲之始也，法艮卦寅官持世，乃爲鍾門官符，下而反復是也。

以相指一節起坎宮一白，二節坤宮二黑，三節震宮三碧，四節巽宮四綠，君指四節爲中宮五黃，無名指四節爲乾宮六白，三節兌宮七赤，二節艮宮八白，一節離宮九紫，乃外九宮也。如子年乃水局，臨官於亥入中宮，卽十月在中宮順行，卽十一月

易冒

卷四 諸星

三

在乾，十二月在兌，進三復退，卽是本年正月入中宮，二月乾，三月兌，四月艮，五月離，六坎，七坤，八震，九巽，乃終。設如七月占，若鬼動坤宮，爲天官符也。此從年起，生炁正月從子順行，死炁及官符從午順行。歲始若蘇未起，有鍾門之意，用艮卦自上而下，法曰：正七虎行村，二八鼠當門，三九居戌位，四十弄猴猴，五十一騎馬走，六十二跳龍門，而天官絕止足履，則憂禁怕天獄。寅午戌月絕於亥，巳酉丑月絕於寅，是爲天獄逆踐於地網，爲地獄煞也。坎爲

血卦五爲卯庫，血因卯上，故正三五七九鼠月，以日寅卯辰巳午爲血卯，卯相對偶襲奇，復各血忌，血因忌上，故二四六八十臘月，以未申酉戌亥子爲血忌，羊亦縱前之利器，勢同荷戈，祿前一位妻奴所畏，

絕爲天獄，如申子辰水局絕巳之類，法曰：正月逢亥二月申，三月隨蛇，四月寅，五月循環絕於亥，週而復始，定其神，戌爲地網，故地獄自正月起，戌逆行，法曰：正牛二未三寅，四猴五兔六鷄災，七辰八戌九月巳，十猪子馬丑鼠來，血忌之星同血卯。

易胃

卷四 諸星

三

針灸占之定不借祿前一位爲傘卯，如甲祿在寅，則右順卯爲傘卯，乙祿到卯，則左逆寅爲傘卯，丙戊祿巳，則右順午爲傘卯，丁巳祿午，則左逆巳爲傘卯，法曰：乙逢寅動當爲卯，辛見申搖豈不凶，丁巳忌巳癸憂亥，兄弟相加偶必重，近世不分陰陽順逆，槩以祿前一位爲卯，至有誤認乙祿到卯，辰爲傘卯之說，特爲正之。

陽陷於陰曰陰煞，正月起坎之初爻，循環上下，是避害之要也，死而折之，各曰折煞，故寅午戌以酉爲折

申子辰以卯爲折也。方養未幾，卽受暴折。春木養戌而辰折之，是名浴盆煞。咸池煞者，別名桃花蓋以沐浴爲桃花。沐浴敗垣，淫污敗德，因以名之。春木墓未，君子爲小人之陷，曰陰煞。若帶鬼動，當防害也。法以正七寅二八辰三九午四十申五十一戌六十。二子卽習重坎之象也。以火局死於酉，水局死於卯，如二六十月午爲折煞，巳酉丑月子子爲折煞，如火養在丑，爲未暴折是也。法曰：春辰夏未秋逢戌，冬季推來在丑，神蓋以摧尸煞同，亦暴折之義也。

易冒

卷四 諸星

小兒忌之。咸池煞以寅午戌月火局沐浴於卯亥，卯未月木局沐浴於子，法曰：寅午戌，鬼從卯裏出，亥卯未，鼠子當頭忌。申子辰，鷄叫亂人倫，巳酉丑，

躍馬南方走。

衰而憔悴，反復悲泣，是名天哭。當墓曰喪門，扣墓曰甲客喪車，以絕位爲亡人所乘者，乃喪車也。蓋冬水以巳絕，乘午爲喪車。五墓者，卽墓神也。故春木墓未，夏火墓戌，三坵者，疊土墓上，故春以丑爲坵，取第三位之土，故曰三、五者，五行墓也。

憔悴謂衰也。寅午戌月，火局衰在未。巳酉丑月，金局衰在戌。三復悲泣，故正未二申三酉四戌五復未而再三。因各天哭，以寅午戌月墓戌，亥卯未月墓未，申子辰月墓辰，巳酉丑月墓丑。如正月戌爲喪門，則辰爲弔客，衝象扣也。法曰：喪車春鷄，夏鼠來，秋卯冬午，好安排。二法皆忌疾病，以土衝土曰疊。自未戌數，丑曰第三。法曰：丑辰未戌三垢煞，羊犬牛龍五墓尋。

近前曰孤，近後曰寡，而孤寡之煞以傳寅卯辰月，巳

易冒

卷四

諸星

三三

孤丑寡也。前阻曰關，後絕曰鎖，而關鎖之法以立申酉戌月，亥關未鎖也。

失聚失類，如無依倚。巳丑前後非類也。法曰：寅卯辰，巳孤丑寡，巳午未申孤辰寡，申酉戌亥孤未寡，亥子丑寅孤戌寡。若男前女後之意，阻絕其前後。曰關鎖法曰：春關牛與蛇，夏鎖龍猴嚙，秋忌羊豬位，冬犬虎交加。

自春建而妄行，不山徑，不從道，遊行四方，往必敗矣。故名往亡。夫寅而卯徑也，不從而巳，非道也。自卯而

辰自辰而巳，徑也。不從而午，而未非道也。行者之戒也。以子丑寅而歸孟仲季，非時也。非時而歸，所以忌也。故歸忌名之。絕路空，遇水則路絕。甲巳五遯壬癸加申酉，故申酉爲絕路。震仰孟，像舟木絕於申爲覆舟。煞舟絕則覆，故自申起而順爲覆舟，衝舟爲浪。故自寅起而順爲白浪。

正月起寅順行，則二月當行於卯，乃越徑妄行，直遊巳申亥而返卯，復不由徑，直遊午酉子而返辰。

復不由徑，直遊未戌丑而窮焉。往亡法曰：正寅二

易冒

卷四

諸星

三

巳三申位，四猪五兔六馬悲，七鷄八鼠九辰忌，十

羊子犬丑牛危子丑寅是天地人三才，蓋子月當

子而反孟寅，丑月當丑而反仲子，寅月當寅而反

季丑，爲非時歸忌。後三巡亦然。法曰：寅申巳亥牛

相犯，子午卯酉虎相攻，辰戌丑未須防鼠，爻逢歸

忌路途凶，絕路空法曰：甲巳申酉最爲愁，乙庚午

未不須籌，丙辛辰巳何勞問，丁壬寅卯一場憂，戊

癸子丑高堂坐，如犯空亡莫遠遊，木絕申爲覆舟。

正月從申順行，寅衝申爲白浪，正月從寅順行。

鶴神自天而降始踐於艮奇門甲子坎局巳酉艮局因從巳酉下地循環八方四維六日而更四正五日而遷第四十五日上天而居於房北復五日而入房中合衍母之數也復二日遷南先陰後陽合少陰之數也復三日而遷西合少陽之數也復一日而遷東合太陽之數也復四日而遷中宮合太陰之數也戊申居中然後甲子週矣若鬼搖是宮出行是戒

鶴神卽遊神也

五符者卽天符也設政而受天符天符之前十一神

易冒

卷四

諸星

雷

天曹地符風伯雷公雨師風雲堂符國印天關地匣天賊也

以陰陽祿起五符陽順陰逆週行十二位蓋以甲

祿在寅爲法寅乃五符墓前陳部曲部曲卽天曹

也未及三位而復錫符焉故天符爲金輿地符爲

玉輦風伯乃巽位雷雨雲神驄驅之未九位而錫

大命乃堂符國印也亥爲天關子爲地匣置武庫

以征不仁故終天賊又名陀羅星弗悞於滿破開

之天賊也此從日起

罡魁之將有十二體辰戌而用巳亥天罡太乙勝光
小吉傳送從魁河魁登明神后大吉功曹太衝也罡
魁臨鬼動禍患暴作罡主訟而魁主盜也
天罡正月起巳順行河魁正月起亥順行餘十將
不司卦內吉凶故不詳註

太歲之神始作甲子陰陽相扶吉星居焉偏黨好惡
凶星立焉寅爲鬼路故十二年喪門以寅爲始申爲
神門故十二年白虎以申爲始焉飛廉附之蓋尅我
者爲官鬼子受辰尅故十二年以辰起官符且居五
位五鬼附之歲之衝曰歲破欄杆附之戌亦尅子三
合喪門故名甲客天狗附之巳爲六陽之終亥爲六
陰之極故巳始死符亥始病符也陰之扶陽天之造
物故三元四利十二年以丑起太陽卯起太陰未起
龍德酉起福德順行爲法也

易冒

卷四 諸星

三

四利三元法一太歲二太陽三喪門四太陰五官
符六處符七歲破八龍德九白虎十福德十一甲
客十二病符此從年起也三元謂上元中元下元
也四利謂四吉星太陽太陰龍德福德也巳亥宮

無吉宿以陽終陰極也其附四凶非在三元舊序
又有月上飛廉正月從申逆行月上五鬼正月從
寅逆行之法飛廉因白虎亦起申五鬼因鬼路亦
起寅

古人名星之始或因事而著或依義而成或像象而
立必有所本其無本而妄傳者於吉凶無驗雖多不
述也大凡吉星之行多順凶星之行多逆地支之星
以月爲憑天干之星以日爲主年星雖列遠而効輕
時星間陳變而易逝唯日月之用尊焉占星之法各

易胃

卷四 諸星

三

親其類非類則弗親也各伺其動不動則不伺也然
必以用神爲主而星輔之吉以益其吉凶以甚其凶
而後無偏泥之謂焉學者辯之

卦驗章第四十

以爻而取占應者謂之用神以卦而取占應者謂之
卦驗卦驗專於卦而不專於爻也

以卦名而斷吉凶昔賢所譏然古又有以卦義斷
而驗者不可違也

婚姻忌三衝則不索用神之衰旺那畿征伐忌內反

伏吟而不憑子官，遷居忌外反伏吟而不憑鬼靜，占病主屬化墓絕者，雖用旺而凶，此皆先卦而後爻也。五者尤爲專忌，卜者常泥於用神而失之。

是故筮晴雨者，得乾離則晴，得坎兌則雨，非此，然後察父母子孫以爲晦霽也。筮墳塋者，遇巽風坎水，乃爲大凶，以其犯風水而衝也。獨秋後占地得坤，春前占山得艮，反爲吉兆。蠱有蟲蟻，并有水泉，明爻有伏屍，非此，然後索世爻福神以爲凶吉也。

風水最忌六衝，若卜平地，秋後三氣得坤卦，卜山

易冒

卷四 卦驗

毛

地，春前一氣得艮卦，反吉，弗論六衝。

出師征伐，遇明爻有覆軍之敗，遇坎蹇困，防汜地之圍。若此者，不復論子官也。求財，遇萃曰虧本，出行，遇節艮坎，明爻曰不吉。獄訟，遇大壯與夬，曰得理，遇坎蹇，明爻曰有囹圄筮病。遇明爻，旣濟豐節而土鬼獨發曰死。

推之京房萃爲缺數餘卦，皆昔賢所驗。

筮婚，姻咸恒節，泰者吉，變衝不吉。睽革解離者凶，化合亦凶。後嗣，有無，昔筮大畜而得子，筮蒙而得子，筮

渙而得孕曰丙戊兩胎於子也。

昔商瞿將如齊四十未嗣。夫子著之得大畜九三。後有五丈夫子。周易蒙訓爲童蒙補遺云。渙腹中懷人。以上諸卦皆憑卦斷而不及爻用。前賢往有成驗。

且有因卦象而取義。因卦義而利用者。如筮國得否泰。則君子小人可知。得損益。則豐荒可見。筮道業得艮復咸无妄而成心學。筮儒業得賁旅坤離而煥文易冒。

卷四 卦驗

三

章筮科第得乾震而魁黃甲。上疏豈宜屯蹇。而聖最喜晉升。

夫子自筮得旅。筮賁而憂文勝。坤離爲文章。震乾得第。皆舊傳也。

如噬嗑之日中爲市。而宜於賈肆。渙之木在水上。而利於江河。離以佃魚。隨以駕馬。益以農田。睽以鋤亂。如艮離咸蠱占蠶。而有收。噬嗑鼎頤占畜。而主烹。占起造以大壯爲吉。占父母病以大過爲凶。防火得離。防盜得坎。防非得噬嗑與訟。防害得明。爻小過與損。

皆卦忌所列也。

右卦亦舊傳所載時有徵驗然兼察用象更確且
且有古史所記占驗者如觀之否而媯育嗣於姜歸

妹之睽而晉依秦婚而復國

陳敬仲奔齊後大為田氏晉公女為秦穆夫人後

依秦而復晉

困之大過而夫隕不利室家出師遇復而射目不利

應敵

陳文子言夫從風風隕不利娶婦崔氏後敗射目

易冒

卷四 卦驗

三

晉伐楚也

屯之比而得名屯之豫而得國遇蠱而敵敗遇泰而

謀成

畢萬筮仕於晉得屯之比見左傳晉公子重耳筮

適秦而得屯之豫秦伯伐晉得蠱晉公子復國得

泰右卦聊述舊聞然與金錢筮義斷亦少殊不宜

執一而斷也

又有以德以位配著而昌失德逆天得吉而亡者子

儀應乾五之大人晦庵守天山之肥遯宋祖筮離而

違大明宗得乾而復國南剗得坤之六五而反敗志
逆天也穆姜筮艮之八二而兆凶戒失德也

古人亦有筮吉得凶之事德不足以配著也先師
星元於出妻者得泰而言凶勸之終合瞽於健訟
者得豫戒勿終訟不聽而凶泰豫本吉而筮者志
凶則吉凶反應此亦足為占者之戒也歸萬變而

易冒卷之四終

易冒

卷四

卦驗

罕



...以...又...以...吉...也...

...有...也...不...而...本...而...也...

...亦...也...而...言...也...合...也...

...人...也...吉...而...不...以...也...

...也...也...也...也...也...也...

...也...也...也...也...也...也...

易冒卷之五

新安瞿目程良玉著

錢唐旅堂胡介定

類總章第四十一

卜筮之道，因象以見吉凶，吉凶之見，因事以兆趨避，趨避之兆，乃繫用神。用神所繫，殊途而同歸，萬變而一致，辨之不詳，而吉凶趨避，不得其正矣。

此言卜筮大法，以用神爲本。

用神之法，或以卦，或以爻，或以內外，或以世應，或以

易冒

卷五

類總

一

五行六親而考，或以八卦六神而占，然後以年月日時經之，飛伏互變，緯之，旺相建生，空破散絕，進退刑害消息之，大抵捨靜求動，捨衰求旺，捨病而求不病，而吉凶之輕重遲速應矣。

此言用神不一，止執六親者不廣也。其法先辨卦後辨爻，卦有卦用，爻有爻用。卦用有八，一內外，二衝合，三反伏，四墓絕，五歸遊，六卦候，七卦義，八卦驗。何謂內外，如占家而內爲人，外爲宅，內宜守，外宜遷也。何謂衝合，如三衝之卦，天人不交，始終

不協六合之卦。賢親夾輔。人事順成也。何謂反伏。反吟而心反事悖。伏吟而神忒氣分。唯國占師。占人宅之忌也。何謂墓絕。如震化坤。木墓未而絕申。離化乾。火墓戌而絕亥。唯國占師。占身命。住基疾病之凶也。何謂歸遊。歸魂主不出。遊魂主無定也。何謂卦候。候逢旺相。不以日衝而破。卦值死囚。不以日建而興。唯邦畿人宅之占也。何謂卦義。如筮晴雨。喜乾離之晴。占墳塋。畏風水之卦也。何謂卦驗。如筮渙而言腹內懷人。噬嗑而言日中爲市也。此卦用也。故用有取於卦者。先卦而後爻也。

易冒

卷五 類總

二

此專重卦體論也。卦候所司者遠。故不以日爲興廢。如震當旺相。雖值酉日而震不破。坎當死囚。雖遇子日而坎仍死也。

次辨爻。爻用有六一世應。二兩身。三六親。四六神。五爻位。六變互。何謂世應。世本應末。世主應人。成卦之主宰也。何謂兩身。一卦身。二世身。卦身較重也。何謂六親。財官父兄子。用之各有主也。何謂六神。龍雀勾蛇虎武。忌之各有司也。何謂爻位。如初爲地。上爲天。

五爲君二爲臣因事有屬也何謂變互動則觀其變靜則占其互因用而求也此爻用也故用有取於爻者舍卦而從爻也

此專重爻象論也

然成卦之主世應爲重其忌亦有十有空有破有絕有散有墓有動有合衝有隨墓有助傷有升降進退空則無成破則多敗絕則多困散則全失墓則難舉動則多變合衝則將成而敗隨墓訟病之惡地助傷災患之凶徵進升如火之始然退降如木之方落此

易旨

卷五

類總

三

其象也故事須我成必以世官以官成文以文成而世空則不成事因人得必以應財以財得文以文得而應空則不得故用有取於世應者舍卦爻用象而從世應也

此言世應爲卦主故又詳其所忌

若萬類之求六親爲用用不可勝紀也各以其類求之有用神則必有忌神忌則喜靜喜衰喜制有用神則必有元神元則喜動喜旺喜生故六親之中官鬼

多凶然有無鬼無氣之嫌父母爲勞然有無父無頭

之喻六親之中財福爲吉亦爲求名之惡客兄弟無功亦爲子福之元神此六親用也故用有取於六親者亦畧世應而從六親也

此言六親爲用主故須明其元忌

是以察鬼神之情莫親於動變變能尅動象動不能生變象動能生本卦之靜爻變不能尅本卦之靜爻變爻空破死絕動爻不受其生尅矣動爻空破死絕變爻生則救而尅愈凶矣唯一爻獨發尤貴知微此動變之當察也

易冒

卷五 類總

四

此言用爻之後動變爲重變爻止與本動爻爲生尅近泛及本卦靜爻者非

搜用神之方莫備於飛伏伏尅飛者出飛生伏者得飛尅伏者滅伏生飛者沒飛伏比和者拔飛神空者易擢伏神空破死絕者不舉而出不出分焉是以伏神滅沒者雖臨日月而不取也飛神破散伏神雖生旺而無功也先用世下伏次動下伏次靜下伏此飛伏之當搜也

此言用爻之求飛伏爲詳雖臨日月不取止用虛

懸日月也。此滅沒破散言其靜也。

定旺衰之權。莫專於日月。日月之象爲君主。爲將令。爻神孰能忤之。故雖旺動。世應之爻。莫不咸服。其化日月尅之。動變生之。云貪生而忘尅。動變尅之。日月生之。如被溺而得援。日建不受三旬之破。月建不落一旬之空。化尅破而無傷。化空退而不礙。故月建以旺相。休囚死之法爲主。須知金生之內有尅。土絕之內有生也。日將以長生十二法參之。月衝破。日衝散。月重尅。日重絕。日有隨墓助傷。而月則無也。故日尤親。此日月之當權也。

易旨

卷五

類總

五

此言旺衰專憑日月。月重旺相。休囚死五法。日重長生帝旺墓絕也。

於是而辨其合衝。有卦爻之分。卦六衝始卽衝也。合處逢衝。衝其中也。合處變衝。衝其後也。若爻合而衝成。而解也。爻衝而合戰。而和也。動合而絆。靜合而起也。故合法有三。有生合。尅合。刑合。蓋生合吉。而尅合凶。刑次之。衝法有五。相扶而衝者。謂之暗動。一也。相絕而衝者。謂之散。不及暗動。二也。相胎而衝者。我尅

爲動尅我爲散三也胎絕之衝旺相爲動休囚爲散
四也暗衝之散勝動衝之散動散無暗散散五也暗
動之象吉凶禍福隱然而來暗散之象吉凶禍福默
然而去也自衝有三謂卦內動爻自相衝也方相敵
者皆散一也臨日月不散二也一旺一衰則衰散而
旺動三也此合衝之當分也

此言合衝輕重衝法尤詳日衝本篇

於是而辨其月破旬空旬空之法有八月破而空謂
之壞空一也月尅而空謂之全空二也月生日尅日

易胃

卷五

類總

六

生月尅謂之尅空三也無生無尅謂之安空四也日
月獨生謂之半空五也日月生扶謂之旺相空旬內
空而旬外實六也日衝則實動空則實月建臨之則
實皆謂之填實空七也動空而遭破縱動無功空衝
而遇絕散雖衝不力八也若伏藏之空陰陽之空旬
首旬尾之空數學所有然非所深論也月破之法有
三破臨鬼動而凶破臨動衝而無一也臨日不破二
也遇時不破三也此空破之當分也

此言空破深淺遇時月破之爻及後值月而不破

也。

於是而參之。刑害局化。刑害之法。仍權於五行之生。尅爲輕重。子卯之刑。刑輕而生重也。酉戌之害。生深而害淺也。蓋刑爲恥辱。害爲怨離也。局化之法。局用其中。支化重。其日干。故我遇破空絕散。是云徒合有寅戌。而無午。是名假局。六氣用常。五運用特。爻干不發。則無運本。日干不合。則無化因。此刑害局化之難執也。

此言刑害局化四法。參用而不可執也。

易冒

卷五

類總

七

於是而參之。六神星煞。六神之用。必以六親爲本。子孫駕青龍而稱慶。元武失官鬼而非偷。星煞吉凶。必以爻神爲本。貴人見而官文兩陷。未遂凌雲。子孫空而天喜乍臨。豈皆夢日。此六神星煞之難泥也。

此言六神星煞。參看而不當泥也。

合而論之。則用神爲獨重。嘗總其吉凶輕重而辨之。蓋十有八法焉。一曰日神。二曰月將。言用臨日月也。三曰旺。日月之扶也。四曰相。日月之生也。五曰日生。言貪生念尅。轉轉來生也。六曰變生。七曰動生。變生

親而動生疎也。八曰安。無傷而無泄也。八者用神全吉之象也。九曰有玷。或日尅而月生。或月尅而日生。吉之半也。十日旺相空。吉之又半也。十一曰安空。有生無尅。求多不得而未至喪也。此用神半吉之象也。十二曰泄氣。謂日月動變皆泄用神之氣。物不生矣。重於安空。有生僅全。有尅乃沒。十三曰死。炁雖不遇空破。而日月動爻。或一再尅之。而無明暗之生。亦重於安空也。十四曰日破。日月尅傷時。令休囚爻神被衝破其半矣。又重於死炁也。十五日月破。破而尚存其質也。十六曰尅空。日月動爻尅之。且空。是無救也。十七曰竟。無謂日月飛伏變互。皆不得其用神。又重於尅空矣。十八曰散。謂動逢日神變動之衝。而散雖救之無從。是謂太凶。此用神凶陷之象也。本此而精研之。而後吉凶之輕重無惑矣。

此看用神十八法。最爲卜筮之要。唯竟無若當時相。及一象來生。猶勝於死炁。

明於此。而吉凶之古刻期而定矣。刻期之法。卦無用。而值日成。爻忌動。而填用滅。主象空。而衝可獲。用爻

旺而墓乃收絕逢生而出焉。衰遇扶而成矣。

此定日刻期之秘。忌神動而用避之。佳其避也。後用值填實。反宜慎之。

明於此而先聖之旨無遜情矣。先聖之旨未索其善而先索其不善。未搜其利而先搜其不利。蓋既無其不善。而後索其善。而善之既無其不利。而後搜其利。而利之。此卜筮之秘也。瞽以涼德。不幸而盲於目。幸從師友得聞聖賢之遺書。竭神明之通變。敢自惜其一得。而使微言遂成絕學乎。唯後之學易者。毋以小易冒道忽也。

卷五 類總

九

此總看卦爻用象大法也。

國事章第四十二

內詳遷都建廟擇后立儲改制享國諸問

爲國之要。必以進忠良爲萬民之福。故福爻不可失也。必以退奸宄去四海之疾。故鬼象不可動也。

凡國占皆喜福臨。而惡鬼動。此其大象也。

是以內爲邦畿。外爲人民。卦宮安旺而國祚長。爻象

合和而宗社久。衝莫見於正之。合莫被於破害。則天

下和乎。而國家奠安矣。火鬼。官。水。獸。獸。獸。
次觀旺衰動靜合衝。干支。海。泉。不。壽。水。獸。獸。
皇陛親占。以世爻爲主象。宜臨日月生扶。臣下筮國。
以九五當尊位。忌隨墓空破。親占而應合世者。后德。
著於樛木。臣占而二持福者。母儀冠於掖庭。

臣子占五爲君。二爲后。故云。西。水。水。事。獸。獸。三。占。

推之爻位。初爲國本。二爲士人。三乃萬方之守牧。四
爲九州之屏藩。上爲宗廟之爻。俱惡鬼而喜福。喜安
旺而惡動搖。推之六親。鬼者國之患也。又爲巨寇。福

易冒

卷五

國事

十

者國之儲也。又爲良臣財者國之賦也。又爲闡寺。兄
弟者國之聚斂也。又爲宗支。父母者山川城郭也。又
爲詔令。官。官。官。國。本。二。三。八。萬。六。六。守。外。四。
觀其所臨所屬。如鬼動乾宮。西北有事。福臨三位。

善守牧得人之類。二。林。爾。香。其。維。振。伏。壽。與。天。

是以鬼空內而無肉爨。鬼發外而有外攘。近五而防
僭臣。附三而戒酷吏。患在二而士橫。患在初而民困。
虎官不發於金鄉。則無干戈。武鬼不揚於水地。則無
泛潦。如火鬼騰蛇。歲憂火患。土官朱雀。年慮蝗災。

凡鬼發內外何宮何位何屬皆宜慎之幹蠱防妖
立廟筭當豫也
子孫遇木而旺相歲稔桑麻妻財遇土而興隆年豐
田野父母值巳午而見當啟文明子在青龍則文士
彬彬子臨白虎則武功烈烈動朱雀善彈劾之章搖
元武懿宮闈之德勾陳得田畷之喜騰蛇籍使臣之
力
凡福臨五行六親六神俱是禎應故福搖元武亦
為后宮之美

易冒

卷五 國事

士

如問遷都猶遷居也當以外旺為憑鬼興為忌如問
建廟猶奉靈也當以三衝六壞鬼動鬼疾鬼尅為忌
遷都建廟皆忌貞衝悔衝合處逢衝之例六爻太
示廟所屬故不可破散鬼為太靈故不可鬼動鬼空
鬼散及鬼尅世也
擇后猶婚姻也財在何宮當應何所
如財在中爻當得晉女財在內卦當應本都
立儲喜子孫跨於日月收制憂官鬼發於強梁若占
享國幾何以歲為紀有歲則一位一元再之亦一位

一元然必考其本宮之旺衰鬼象之動靜方可推而定也。

歲司年曆國祚如己亥年得丁亥太歲有六元之運又以内卦參之鬼動權之方可推也。

聞之先賢曰以正得國以德守國者常以力得國以暴守國者不常天命之矣寧俟筮哉且天授之學者仁知人授之學者象數安能以人授之學測天命之微唯述舊聞以備昭格占者慎之。

軍機章第四十三

易冒

卷五

國事

三

內詳立營攻守水陸遲速遣將用計拜將用間問守問戰問款問降時日防守防刺行刺內應火攻因糧對戰沿勦求援求濟救援守城敵來被困等問

國事之大莫大於用兵古聖王慎之蓋盡人力以應天功亦嘗謀於著而作外也出師之要先分彼我形成主客專以世應爲憑統論安攘則以福鬼而斷世爲我應爲敵喜世強而制應福爲兵鬼爲寇宜子旺而尅官廟筭勝負於是見矣。

兵占先觀世應。世尅應則勝。應尅世則負。世應比和則勝負等。世生應者我怯。應生世者彼讓。復考子孫爲我兵。旺相發動則勇往。休囚空破則不振。鬼爲彼賊。旺相強梁。休囚披靡。如世壞。雖尅應動。子孫亦曳甲而歸。若應壞。雖尅世動。官鬼亦奪旗而返。如問立營下寨。安危憑鬼。而內卦母墓絕。反伏空破。犯則麾幕不安。兩象母衝擊。犯則將士離心。不可次舍。

易冒

卷五

軍機

十三

筮兵次舍。最忌鬼搖。恐爲敵人劫掠。最惡內卦巳疾。及六衝。上下乖離。

問城攻守。兵行水陸。戰利遲速。及遣將用計。意在必勝。皆以世應占之。若朝廷拜將。及擇人用間者。乃三軍之大任。必仁勇達變。當以賓應辨也。

六占皆論勝負。惟忌世壞及應尅世。而隨官入墓。助鬼傷身。主有覆軍之敗。惟用間不同類於囑托。應爻空破散絕。機謀泄漏。應爻尅衝世位。乃反奸之徒。君著任將。亦如用間之法。蓋古之用兵。莫大

於求將莫難於用間或內結骨肉或誑兼師友故
用賓應也

問守問戰當以勝負分彼我問款問降當以忠奸
應爻時日利戰得時而我利防守無虞鬼動而來侵
應尅世爲蠶食也

得應壞世尅應則成百戰百勝之功世壞應尅世
則忍三戰三怯之恥敵降於己已款於敵皆察應
爻真僞忌應尅世若小日時之戰如用兵於秋時
則利金爻持世出師於亥日則利火爻屬應也

易冒

卷五 軍機

古

防刺鬼爲刺客也惡其動行刺應爲所刺也好其疾
若隨墓助傷防刺大凶鬼動鬼尅世亦凶惟空破
爲吉行刺應壞敵人數盡可以得志或世壞隨墓
助傷敵人雖滅我亦隨亡或鬼興而世旺敵雖刺
我我數未終也吉內藏凶凶中有吉辨之

用應如用間用火如用計鬼動則謀敗焉因糧於敵
截餉於途財旺則計得焉

內應可任法如用間但不可鬼動則功未成而先
敗用火法如用計務在勝負然水火爲民害之大

者亦忌鬼動或謀泄流禍

蓋或寇有地而用應寇無地而用鬼是以兩軍對迎法世應之尅生四野勦除度鬼福之強弱也

若據城郭成兩軍之勢則考世應生尅虛實以爲勝負如流寇無定必四向勦滅之則論福鬼強弱飛檄求援應疾則爲不援尅世則爲不軌上書求濟六衝五疑君象衝尅世爻則不允濟同仇相援則如用師也

應空破散則無周急之情應尅世爻非惟不援尚

易冒

卷五

軍機

七

有他好也五爻空破散絕謂之五疑蓋五爻爲君尅衝世爻恐逆耳不允彼困我救斷如用師

筮城慮破鬼動鬼尅則危筮敵來期應尅應動則速筮軍被困世墓世傷則凶也

若患破城不拘父母反專官鬼發動尅世則危

故兵法不一象理非二凡主帥空而中軍折賊首空而敵人逃生我之動爻喜有援兵尅我之動爻惡其助敵猶有彼雖敗而不能勝彼謂其有生也已雖傷而不能害已謂我有扶也全盛而衰將靡而起進退

反復存乎神爾

主帥謂世賊首謂應全盛而衰謂動衝將靡而起
謂絕生謂世為其益則限畢輸必精也其論賊
惟鬼不可得時勢恐其害成不可遇長生恐其難滅
不可臨胎養恐其方興不可暗動兼伏鬼尅世恐其
謀刺不可上下尅世恐其內應外通

上下鬼尅世即內外鬼也

欲視賊人之佈何策用何兵進何道我將何以應之
何以克之何以取之俱驗五行八卦消息而已故鬼

易冒

卷五

軍機

六

動內而防間謀鬼發外而慮野戰鬼動乾宮伏兵於
廟官與巽卦匿從於林坤鬼是戒納降震鬼非當却
叛艮忌岡陵之困離憂市井之攻兌母信其說口坎
母聽其誘語也

此言八卦取象蓋鬼之所現即敵之所謀坤順鬼
動其降非真震振鬼搖却叛必變兌為口為悅則
說言必詐坎為耳為陷則卑辭必謀也其餘類推
火鬼動非劫寨而謀於縱火水鬼動非水淹而計於

囊沙金為流矢之凶木為膠舟之詐土為平原之戰

起於離而南來發於坎而北犯艮坤敵出於山阜震
與寇自於豐林乾以老弱驕吾軍士之心兌以子女
惑吾兵卒之志也
復言八卦及五行取義或云木有生兵土有坑陷
夫敵進退佈策惟深心測度官鬼情形取象取義
可得之矣

子孫動水則利於水戰福神動火則利於火攻土以
砲石勝金以弓矢勝木以舟車勝也子動坤宮屯兵
相助福興震卦壯士來歸乾為丈人之良謀艮為少
年之秘計坎當外示其弱離當內示其虛兌當飾以
卑詞與當勇於趨進皆發子孫而取勝也

易冒

卷五

軍機

七

兵占福臨皆吉或屬五行或現何宮各以象推
然父母為彼我之機關妻財為彼我之兵甲弟兄為
彼我之埋伏鬼為賊眾子為將士考生尅衰旺以分
美惡也
兵占六親之分如此父母為計策亦為軍師

是以鬼臨吉神縱吉而不吉福居凶爻縱凶而不凶
且有子化官者叛官化子者降飛伏官而隨滅隨起

內外子而屢戰屢捷陽為正兵陰為奇兵子孫官鬼以別其利也合則結衝則絕靜應守動應攻常聞決策在人成謀在天蓋筮著之從鬼神之情喜直而惡曲輔仁而伐暴占者鑒之

天時章第四十四

父 內詳占雷占風占霧占雪占水占冰六問

晴雨之占不可以自試其術而輕瀆鬼神如亢旱而求雨霖雨而祈晴心切民瘼聖賢來告矣

凡有所占必宜分請卜晴者法以子孫為日月蓋日

易冒

卷五

天機

七

月照臨萬寶以成故取財元也或當於發動現於旺相值於日月則天將霽矣

分請謂意在祈晴意在祈雨晴以子孫為用雨以父母為用則易辯也

卜兩者法以父母為天地蓋天地閉而日月掩父動子傷故取子忌也父母旺動而雨速衰動而雨小衝散將雨復晴暗動雨將作月破作而無雨化尅將止化子孫雨中日月化兄弟雨後風生化鬼則雷雨並

至化父則霖霖更作也

祈晴察子象亦同此推之不出旺衰動靜合衝而斷也。

古人常以水爲雨，火爲日陰爲晦，陽爲晝，世爲地，應爲天，未爲盡善，必察子父臨水火陰陽世應之位，而後定焉。若執而言之，則夏必多晴，冬必多雨，申申午空不晴，申寅子空不雨哉。是以夏火父動而雨霖，冬水子興而日出，不可惑也。

此言父母子孫爲重，水火陰陽不能泥也。如午建辛卯日占晴，得睽之未濟，雨至巳酉日方霽，則可

易冒

卷五

天時

九

法矣。

雖云父雨子晴而有卦象合衝之法，則不拘於二者，是故得乾離者，日月照於九天，得坎兌者，滂沱遍於四野，此從卦斷也。夫六合則雲迎而雨降，六衝則晦散而日升，先衝後合，晝晴而夜雨，先合後衝，朝晦而午霽，此從合衝斷也。故從合衝斷，則用神爲輕，從卦象斷，則合衝又輕，不可不知也。

此言卦象及衝合爲重，父母子孫不能執也。如申

建甲寅日，占雨得旅，次日大雨，卦雖無父，因六合

而乙卯值父故也。天地之鬼神曰雷霆以官鬼像之，天地之呼吸曰風雲以兄弟像之，生育我者天地，以父母像之，滋百菓草木之生者日月，以子孫像之，收天地之陰晦者虹霓以妻財像之。

鬼神爲雷霆則電同推，兄弟爲風雲則沙同推，筮風有無惟以兄弟之衰旺，筮風順逆當以比肩之尅生霧，以比肩雪，以父母喜而求諸有，忌而求諸無，兼攝他事，又以義起。

易旨

卷五

天時

三

如子建丙申日，客來憂雪得无妄之否，是日不雪，客至，乃用卜行人，應尅世故來也。若以父動爲雪，則惑，大抵用神在占者意之所重。水與水，駕舟者常占，若父旺動，水平行而長驅，如父破空，水連結而不進，蓋舟車以父爲用也。

水水無阻，舟車易進，水水有阻，舟車難前，故反以父母爲用。如占久晴害田，久雨害蠶，則財福爲用。

天餘以類推。

叩天何日雨者，父母逢生遇衝所值之期也，何日晴

者子孫當見之神也。而占法或以月卜、或以日卜、或以旬卜、或以時卜、不可溷也。如巳爻子孫、巳日晴、而後巳日雨者、故宜分請問天道者、當如是也。

當見謂干支皆值也。如庚辰年、瞽初遊武林、霉雨不止、午建甲申日、顧觀察憂民禾、命占晴、得漸之渙、申動子孫、當日不霽、及丙申日子孫當見、而後大晴。然卦內無財、秋成應饑、蓋其屬意占晴、意在秋成、故無財亦驗爾。天道渺茫、晴雨非遍、常有河北霽而河南晦者、是以占所占之地、禱所禱之期、分請之法、宜如是也。

易冒

卷五

天時

三

歲事章第四十五

內詳豐荒田蠶兵凶疾疫水旱分野諸事

歲之成熟爲豐、時之安平爲泰、夫豐所謂天施地育、物阜民饒、故取用以財、蓋萬物以財爲象也。是以財有氣而五穀登、財無病而百菓結。

占豐歉、以財、占治亂、以鬼、此歲占大象也。

財實火木、利春夏之耕耘、財值水金、宜秋冬之樹植。

子空則蠶婦徒勞、財陷則農夫失望。

以時以象言之子爲蠶田爲財也
夫鬼爲時之禍患也宜靜不宜動動則四方多難最
不利於金官恐干戈滿地亦不宜於土鬼防瘟疫流
行水爲淹沒之災木爲桑麻之難火爲焦枯之患及
炎火之憂也

動兼騰蛇非妖與閭里則痘損嬰兒動兼勾陳非蝗
蝗害稼則土地多荒動兼白虎非兵革頓起則虎豹
來遊動兼青龍寒曝失時而花菓謝實動兼朱雀主
流言橫議而民口難防動兼元武朱雀耗鼠竊而弭
易冒

卷五

歲事

三

盜無術是以五行六神皆不可值鬼動也
龍本屬吉鬼擾起凶也
財化鬼者薄於西成鬼化財者難於東作官化子者
則有致治之政子化官者則有兆亂之機
鬼化財雖難於東作而有收不如化鬼之甚也
若筮天下則豐歉不均所以動於巳而楚荒搖於震
而東亂也

乾分冀州坎分幽州艮分青州震分兗州巽分徐
州離分揚州坤分荊州兌分雍州中爲豫州也蓋

中宮附入坤分，如九星天禽，附入天芮之意也。子分齊，丑分吳，寅分燕，卯分宋，辰分鄭，巳分楚，午分周，未分秦，申分晉，酉分趙，戌分魯，亥分魏也。蓋鬼動是分，則是地多難，其所在所臨之宮爻，亦有小吉厄，但靜則不甚爾。是以鬼從初而物殺，鬼從二而民瘼，鬼從上而天怒，鬼從三而吏苛，於五君憂，於四臣辱，其法惟以財實為豐穰，鬼動為荒亂，其義如此。

鬼動是位，妖作是處，雖靜不凶，亦有小疾。

易冒

卷五 身命

身命章第四十六

謂我身受命於天也，此宜有專問，則授命如響，內詳壽夭富貴道業妻子趨避大限小限之法。告聖賢曰：我生成敗得失亨困何如，即世爻不可病也。世爻不病，則成而不敗，得而不失，亨而不困矣。故曰：世乃平生之本也。

一生成敗獨世主張，無休囚傷退謂之無疾，有空破散絕謂之有病，若父子夫婦弟兄請占當分用。

隨官入墓，助鬼傷身，常防病患，伏吟反吟，化居墓絕，難免速遭，正衝悔衝，合處逢衝，終多得失，此平生之概也。若有專筮，則有特告焉。

筮曰：壽夭何如？則破散空衝定之。天、日、月旺相定之。壽、旬空限絕，天尅地衝，是其考終也。推而深之，雖日月可知也。自占憑世，六親憑用，舊專執父母為壽者，非也。

旬空謂後來年旬空限絕，謂後來行絕限，如戊子

易冒

卷五

身命

三

生人，丁丑寅建，辛亥日，占自壽得師，世爻絕亥生寅，其壽未已，及戊子年孟秋令寢，乃甲申旬空午子歲破午，十年後行午限絕亥，庚申又破寅生，是以終也。餘倣此。

筮曰：我能貴乎？官父貴之本也。以學而得名者，必父爻之高明，以功而得名者，必官象之昌隆。以位而卜其祿之尊卑，以會而卜其成之歲月。以八卦為方隅，以五行為司屬，以六神為班列，金為兵刑，水主河海，土主稅賦，火主禮儀，木主考工，乾為西北，巽為東南。

三爲守牧、五爲臺省、龍爲文翰、虎爲武衛、雀爲言路、元爲水利、陳爲地土、蛇爲使節、生旺則得、死墓則失、而官制代更、則隨義而起也、

以文章取進、則專用父母、貢舉亦然、以事例擢拔、專用官鬼、從武襲爵亦然、官立四五之位、則顯文、臨當現之年、則第官值生旺之歲、則拜、五行爲司、八宮爲方、六神爲職、六爻爲級、

筮曰：我能富乎？財福富之本也。生平之揮霍者財，旺則有餘，生平之安樂者福，強則多慶，惟有財而無福者，富而憂有，福而無財者，貧而樂，然必以身受之，故世爻不可傷也。

問富貴，先看世象生旺，世空無成，世破不享，世散絕，則不終也。

且問道而忌六衝，問妻而忌財陷，皆不可以世空也。問子而忌子虛旺相則多，休囚則少，空散則刑，尅衝則暴帶吉神而賢良，加凶神而頑劣，跨身世而遭種，登日月而昌榮，占弟兄者亦如之。

若世爻被子孫衝尅，則男女忤逆，凡問父母更有

易冒

卷五 身命

三

兄弟否則視兄弟其他皆小子孫宜避
如問趨避則福爲我所趨鬼爲我所避官鬼尅世者
不以貴言也火鬼尅身而憂焚水官傷世而患溺帶
白虎則避兵凶加元武則防盜賊雖青龍亦恐惑於
酒色也所以鬼屬之物不可貪鬼發之宮不可適丑
鬼成牛卯鬼戒鬼戌爲瘋犬午爲狂驢鬼發兌而母
妮少婦鬼發乾而母近老僧鬼發雀符而防官非之
擾鬼發陳蛇而招輕諾之凶發於離而目翳發於震
而足跛於金則病肺於火則病血鬼發遊魂而莫徙
於新所鬼發歸魂而莫還於舊鄉生合世之方宜往
尅衝世之方宜回生合之人可交尅衝之人宜遠也
以五行六神八宮諸星及十二支所屬鬼動近取
諸身遠取諸物而趨避得矣

易冒

卷五

身命

三

夫艮發子爻利修身於山谷乾興福象宜砥節於朝
堂巽求花菓之財震覓舟航之息兌以酒食之資坤
以庄田之益動於木上應守業於桑麻搖於水中宜
治生於江海火向鑪煨之肆金趨玉石之門而土惟
誠信耕耘可也常謂虎財宜屠雀財宜優龍財宜樂

麟財宜枝。蛇財宜商。武財宜肆。無財而有官者。技善
巫醫。無官而有財者。運宜商賈。福乃財之源。財乃利之至。故財福所適。八宮六神
五屬。皆爲資生之處。功業之鄉。如子發乾宮。殿折
世庭諍。亦無禍也。不可以子動傷官爲言。若專問仕
世途。仍復爲忌。

世臨子孫者。恬澹寬和。宜僧宜道。世臨官鬼者。英雄
勇悍。宜武宜文。世臨父母者。是謂生我於勞。世臨妻
財者。是謂溺我以豫。世臨兄弟者。是謂義利相勝也。

易冒

卷五

身命

七

父母爲勞碌之神。故像操持。妻財爲饒豫之像。故
戒驕溺。弟兄以義相親。以利相踈。古者義利持中。

否則主貧也。

世折於木者。修仁以植之。世崩於土者。立信以培之。

世空而安者。莫若離塵。世空而動者。莫若奮志。動而

衝散。戒驕盈。動而生扶。善結納。水散子孫。火散財

此勉人遷善之法。蓋五行具五常。木仁。金義。火禮。

水智。土信是也。設如水爻持世。或遇空破散絕。謂

於仁有虧。非天卽疾。苟能修仁以植其木。則天疾

於仁有虧。非天卽疾。苟能修仁以植其木。則天疾

可延也。其他類推。無父母曰孤而依無子孫曰獨而繼無妻財而有子孫者孕於他婦無父母而有弟兄者胞於異母官坐世者夫綱整財坐應者妻德備卦空破而出寒微宮旺相而產豪富官父伏而有氣者成名於暮年財福藏而無傷者起家於晚歲。無六親此言其大象或傷於前或損於後不可執也。

兩官者兼銜之官兩父者再試之第兩身者再立之

易冒

卷五

身命

三

基兩財者再婚之約兩子孫者男女嫡庶兩弟兄者手足同異也。

其詳備兩現章中。變官而登日月之上則是意外之官變財而入旺相之中則非望內之財也動尅世而多尤動生世而多助進神則禍福愈彰退神則吉凶漸已用神遇絕生者先困後亨用神遇有無者始華終悴。此言吉凶徵勝之道卦無官鬼非善求名若變有

日月官爻當應特遇爵祿世財逢絕生平失利如

或長生則先敗而後成蓋動生世好我者多動尅
世惡我者衆
猶有犯六害而手足參商犯三刑而骨肉仇敵貴人
文昌天喜天祿及諸星有吉亦必因吉而後求之羊
刃天賊官符天獄及諸星有凶亦必因凶而後索之
語云八卦成例五行先之六親隨之六神象之諸星
輔相之吉凶相稱扶陽抑陰道惡揚善而後可以筮
趨避之驗也

此言星煞吉凶若用神得地然後以吉星符之用

易冒

卷五

身命

无

神失位然後以凶星象之如丙戌子建戊申日戊
午生人占身得小過之艮世命投墓本主壽夭其
午上有天賊元武羊刃大白虎之臨後戊子季秋
爲賊所殺可見因其凶而像之也倘或身命求貴
官臨日月而同白虎羊刃則應太阿可握兵衛可
操矣故曰六神像之諸星輔相之法宜如此

大限自貞之初爻以順巡乎悔之初爻悔之初爻以
順巡至乎伏之初爻伏之初爻以順巡乎貞之初爻
陰陽之數九變乃還故九十復歸貞初三世再始無

變從互去閏從時有言胎元體骨之別乃謂初生筮而
以告也年五十而筮之則所往成敗利鈍以歷吉凶
何求易云占事知來則必以所筮日時而始推初爻也
其吉凶以空破爲危衝散爲戒遇用爲得會忌爲失生
合則順尅衝則逆五年中加以小限齊之是筮之日而
始發於世爻順而上下週而循環一年一位其吉凶亦
法式於大限而再以歲齊之其吉凶以虛而喜實絕而
喜生無而喜見如此

法曰大限五年一位始自初爻小限一載一位起

易冒

卷五 身命

三

自世爻彌月嬰兒筮用此例其餘少壯皆以所筮之日
時起大限小限於初爻世爻也無變用互從時以占時
節氣爲準如今占驚蟄則以來年驚蟄爲一年也閏不
筮易之所謂占事知來不占往也大限以小限參之小
限以歲月參之虛宜實絕宜生無宜見而已大小之限
俱忌空破散絕尅衝及忌神之地宜日月旺相生合及
元神之鄉如巳丑寅建庚午日巳巳命占貴得損之剝
卯官發見當第辛卯然大限巳文書化未兄弟小限三年
在子

是歲失利，後甲午榜大限在卯，小限亦在卯，乃元神之鄉，其年中式，餘做此。蓋大限、小限、流年、必先考流年之用忌，次詳大限之休咎，復索小限之吉凶，其輕重有等級，占者審之。蓋其限同也，其占殊也，是以筮上而用於父母，伯叔同焉，筮下而用於子孫，甥侄同焉。筮室家而用於妻財，僕妾同焉。筮手足而用於弟兄，宗娣同焉。丈夫用官，良朋用應，而不可錯審也。用神是定造化，乃分然筮者無僥倖之心，無固必之意，而後神告之矣。

易冒

卷五年運

三

年運章第四十七

聖人作易，以前民用，使天下知吉凶，而為趨避也。故雖聖哲，不廢著龜。然占者須分遠近，或筮三年，或筮今歲，皆以世爻為本，故世爻旺者身安，鬼爻靜者災息。隨官入墓，助鬼傷身，則訟起而疾作也。反吟伏吟，化居墓絕，大病將至也。此年運之要也。

反吟伏吟墓絕，當察主屬。若身係長男，伏吟則惡，身屬中女，反吟則凶之類，非是皆不忌也。

且世空有謀而虛望，世破無故而致災，動則勞，靜則

逸衝爲行未舉而先疑散爲事未成而隨敗。旺相則事每順成。休囚則往多淹滯。年運占法實係世爻。若日月生扶。旺相安靜則吉。空破散絕。休囚發動則少安也。猶有得坎艮而忌出行。得屯蹇而忌拜疏。得井而難遷。得遯而不進。得姤而毋耽女色。得无妄而毋事妄求。得小過而毋留怨於小人。得兌而毋縱其口。則占者之戒也。然必因鬼動而推之。

此以卦象趨避。然必兼鬼爻發動。若鬼靜則莫將。易冒

卷五

年運

三

卦名推禍福也。蓋官鬼爲年運之忌神。謂不宜老。世爻爲年運之用神。謂不宜病。

然鬼發之宮。及鬼發之爻。亦有戒也。動於坤。則老母土田文章。坵墓大輿。而緣於禍。動於坎。則江河叢棘盜賊酒食心病耳痛。而兆諸殃。動於震。則舟車旌旗仙道長子。尚武宿怒。而生其咎。乾常應朝廷寺院。西北乘馬折輿之憂。巽常應風姨悍婦園林利賂鷄鵝之病。艮爲童穉墳塚闍寺。狗噬虎驚之由。是以目昏腹大。戈兵甲冑。南行而受患者。起之離。花柳輕狂。師

尼邪惑以言而取怨者起之兌也。伸八卦之象，像萬類之形，而趨避兆矣。

此以廣八卦爲禍福趨避之象，餘可引而申之。

以六神而分龍喜虎喪雀非武盜蛇驚勾滯之別，以六爻而分老少長幼之等。蓋鬼動於五爻不安，動於初子不寧也。

龍曰喜，虎曰喪，雀曰非，武曰盜，騰蛇虛浮，勾陳遲滯也。初子二妻三弟兄，四母五父上祖也。

以六親之化而分父母兄弟妻子之疾，及爲我難。蓋

易冒

卷五

年運

三

弟兄化鬼而鵠鴿飛，鬼化子孫而麟趾戚，鬼化財而牝鷄鳴晨，財化鬼而孤雄啼夜也。

子孫化鬼，甲幼兆災，鬼化弟兄，手足召禍，鬼化父母，憂及尊長，父母化鬼，患發文書也。此重獨發。

以世應分彼我，以傍間爲連勾，以陰陽爲現在將來，以旺衰爲大小，以星煞爲事端，此避凶之道也。

世鬼自己之禍，應鬼他累之禍，傍間鬼勾連之禍，陽現陰隱，旺大衰小，星煞以符其事，如桃花則婦人之禍，若天賊則穿窬之害也。他以類詳。

夫官文靜旺宜以求名財福生扶宜以問利子旺貴人誕兒跨寵應財生世得婦齊眉蓋爻神得地鬼象不與此趨吉之道也

世既旺矣鬼既靜矣然後索卦爻上下或何象持世應臨日月居發動分生尅以爲吉可趨也

大抵年運之占避凶爲先趨吉爲次故吉欲其自無而有則必年運之生旺用神也凶欲其自有而無則必年運之制伏忌神也以喜忌推衰旺以歲月合世爻巳世逢亥月而遭連凶世逢辰年而得濟乃其法也審此而吉凶趨避之道思過半矣

易冒

卷五

年運

三

如時下乏嗣年運內逢子生當歲卽孕時下構訟年運內逢官鬼墓絕其詞乃滅如卦中有元官之發年運內值歲而方見如世爻落空年運少利後值太歲是年諸事可圖也先求避凶後求趨吉一動一靜不可忽也

卜居章第四十八

內詳新舊居還舊舍新共居創造興修年月

匠工廟宇道場公署館地蠶室倉棧買肆等

問
日之所作夜之所息出入無不由中當先求其安後
擇其利故官鬼於居爲殃害爲妖孽爲火盜爲官喪
動則有其事也
已任之居卜內卦未任之居卜外卦不遇正衝悔衝
合衝反吟伏吟墓絕空破而逢旺相胎沒之卦則吉
卦司氣象氣象旺而家業昌鬼司禍殃禍殃作而門
戶警

卜居之法先察卦臨旺相後問福財

易冒

卷五

卜居

三

如鬼動於火天垂熒感之殃鬼動於水地受橫流之
害雀非武盜蛇怪虎喪在世則主人少安在應則宅
毋失利蓋以鬼動何爻而兆禍之報也
五行所司木鬼主風波土鬼主瘟疫金鬼主兵喪
六神所司青龍鬼爲喜僞勾陳鬼爲田荒六爻所
司初井二竈三床席四爲門戶五爲路爲人六爲
棟宇墻壁鬼若動此禍則從之

卜基之形父母旺而房屋寬官鬼實而廳堂整妻財
豐而倉厨盈子孫破而廊廂損兄弟陷而墻垣傾世

應空而邨鄉冷。

父母覆庇屋之象也。官鬼賓客廳之象也。妻財飲食。厨之象也。子孫卑小。披之象也。兄弟護衛。厮之象也。

舊居久否。三衝及遊魂。世動世空而難爲長策。新居吉否。三衝鬼動。外卦病傷而未是喬遷。復還舊居。雖未併而占內卦會合。新居雖已就而卜外爻。

衝則不長。遊則不定。空則不處。動則不留也。外卦病傷。如反伏吟卦。墓絕也。舊居重還。亦占內卦。新

易冒

卷五

卜居

三

居雖得。亦察外卦。

與人共居。應空破而不我顧。應衝尅而非我從。貞悔合衝。朝入室而暮操戈之人也。

親人共居。屬在用象。他人共居。屬在應爻。

卜創造。利在安久。亦忌三衝內衰而鬼動也。卜興修。防有妨礙。官尅世而犯陰陽。鬼值動而起災咎。選擇年月。鬼動以爲忌。尅世以爲凶。匠工。應壞爲拙。尅世爲詐。六衝則不終也。

造作興修。皆忌鬼發。

卜居廟宇專忌鬼發占建道場專喜福興占與公署官旺而爵遷世空而解仕

卜館地重文書鬼動不可占蠶室重子孫官空是宜占倉棧優場浴室賈肆者專務於財無他求也是故居求安事求順謀求濟所以鬼發則不安卦反則不順用失則不濟此卜居之法也

卦反者如三衝反伏墓絕空破之類用失者如心之所求爲財用財爲官用官之類

營葬章第四十九

易冒

卷五

營葬

三

內詳地師覓地定穴壽地停厝安靈合附買地賣地託守修培選日諸問

古之卜地以安親之遺體而非有他求然一體之感安危亦應後裔所以子孫爲祭祀而不可衰也世爲主穴而不可虛也斯二者地理之要也

喜子孫遇日月旺相則吉逢空破散絕則凶復以世爻實而不虛旺而不病始可言善蓋空非真散是風蟻沙水破爲傷損衝經開鑿臨鬼爲古墓也

是故巽爲風坎爲水乾爲盾兌爲沙離爲蟻蠱爲蟲

并爲泉、明、葬爲伏屍，此八者風水之卦忌也。雖世與子孫皆旺，不能爲吉，且墳以久爲利，墓以安爲臧，所以貞悔遇衝，合處逢衝，大則洪泛陵燹，小則遷移更改，隨官入墓，忌有古塚，皆不用也。

以世隨鬼入墓，屬土尤甚，右卦忌爻忌，雖世實子旺不用也。

是故卜地之秘，不遇卦忌，不遇三衝，不遇世墓，世爻實而子孫旺者，盡善盡美矣。子孫旺而官文得地者，貴；子孫旺而財得地者，富；子孫旺而遇帝旺者，多男。

易冒

卷五

營葬

三

子孫旺而遇長生者，多壽；子孫旺而遇羊、白虎者，出武夫；子孫破者，出殘疾；子孫空者，出僧道；子孫絕者，覆宗嗣；子孫散者，主生離；子孫休囚而帶孤神寡宿者，出四散；子孫休囚而帶元武、咸池者，出淫奔；子孫受傷於外卦及遊魂者，主暴死他鄉；子孫壞而帶刃虎及金鬼獨發者，主戮壞；及水火獨發者，主水災、火厄、壞而帶符獄武賊者，主盜訟。

此專察子孫衰旺，定其吉凶。

卜地之形，青龍空而左凹，白虎動而右凸，元武陷而

後虛朱雀衝而前雜間爻旺而明堂寬上爻空而水口缺勾陳實而來龍端騰蛇衝而去路裂應尅世而案山高應值空而印心側

以六神六爻世應分形勢以旺崇衰卑空虛破碎散亂絕傷衝損動昂合和生世爲助尅世爲欺坐鬼爲屍

舊傳二爲穴乃地中爻也蛇爲穴處穴之物也此非通論故專以世爲主穴者則變而不窮於是乎金官持世穴礙石崗水官持世穴入泉渠木官持世穴叢

易冒

卷五

營葬

三

竹木火官持世穴伏蛇蟲土官持世穴亂墳塚此必以子孫失位而云也旺則不泥雖臨亦輕蓋以六獸六爻占其形世占其穴子占其福定矣

二爻爲穴只有寅辰午亥丑巳卯而十二支不全巳日蛇必在初爻惟其不化故法以世爲穴以其能變通也鬼在世爲穴病若子孫日月旺相則不拘焉謂其可修補爾大抵神與爻考其形勢世與

福考其真偽

卜地師美惡先重其學應不可破空後重其心應不

可尅世父母旺而應爻虛博覽長而眼力短也。

卜得地有無有父母而有無父母而無及世不可空

空則有而不遇也。卜在何方察所屬之方火南而水

北在何處察所居之宮艮山坤野巽園坎沼在何時

父母寶而世合之期也。

覓地以世陷父空為戒何方何所何時皆宜分

設或並祝如替丁亥寅建丁未日為父母覓地得

否世空不遇及後辛卯五月始得九月葬於朱村

驗其卯歲實世未附西南五月合未得之建戌葬

易冒

卷五

營葬

四

之互漸內得艮未在坤山足平原之所也復如癸

巳歲戌建癸丑日筮有地遇大畜本歲不得至來

春正月就地於南山亦午父居艮實寅世之徵

占穴上下當以世爻推之占穴吉凶亦以子孫為斷

世在初二地穴宜下世在三四人穴宜中世在五

六天穴宜上

占六親壽地各以用爻旺相為吉而惡鬼動者占地

之臧否仍以世爻子孫斷之

厝柩於地寄棺於廟安靈於家并靈喜怒其法一也

惟亡者安而生者樂。則官鬼忌動空破。喜寧靜生合。不可尅世。而爲吾災害也。助鬼傷身。隨官入墓。及正衝合衝變衝者。則不問官鬼如何。而直言不吉。若合葬。傍埋。吉凶取用。同於地理。

買地。同謀望。賣地。同脫貨。託守。同用人。改作。哀益。選擇。年月。意在得吉。則世旺子興。意在避凶。則官尅鬼動。

且買地遇正衝合衝。及卦無官鬼。空世應者。不就。賣地以財爲用。託守以應爲憑。改作修方。如值助傷。

易冒

卷五 營葬

聖

隨墓官尅世鬼爻動者。毋修。

且夫坤艮之占。隨時而凶吉。用爻之法。隨事而變遷。故常以塋墓爲千百年之大事。男女命之相關。卜者以誠斷者宜慎。若謀人之成穴。破人之吉地。地理得而天心怒。鬼神所不告也。

風水以六衝爲戒。然春前占山之艮。秋後占地之坤。不可例言凶也。

易冒卷之五終

